

ԱՌՈՂՋԱՑՆԵԼ ԻՐԱԴՐՈՒԹՅՈՒՆԸ

ԼՂԻՄ-ՈՒՄ

Մայիսի 18-ին Ն. Ի. Ռիժկովի նախագահությամբ տեղի ունեցավ ԽՄԿԿ Կենտկոմի քաղքյուրոյի ազգամիջյան հարաբերությունների հարցերի հանձնաժողովի նիստը: Քընձարկվեց վերջին ժամանակներս Լեռնային Ղարաբաղում և նրա առնչությամբ ստեղծված իրավիճակը: Այդ հարցի առթիվ հաղորդումներով հանդես եկան ԼՂԻՄ-ի հատուկ կառավարման կոմիտեի նախագահ Ա. Ի. Վոյսկին, ինչպես նաև Ադրբեջանի կոմկոմի Կենտկոմի առաջին քարտուղար Ա.—Ռ. Ն. Վեզիրովը և Հայաստանի կոմկոմի Կենտկոմի առաջին քարտուղար Ս. Գ. Հարությունյանը:

Հանձնաժողովը նշեց, որ ԽՍՀՄ Գերագույն խորհրդի նախագահության 1989 թվականի հունվարի 12-ի «Ադրբեջանի Լեռնային Ղարաբաղի ինքնավար Մարզում կառավարման հատուկ ձև մտցնելու մասին» հրամանագիրը օրյեկտիվ նախադրյալներ ըստեղծեց ԼՂԻՄ-ի հասարակական-քաղաքական, տնտեսական ու սոցիալական հարցերի լուծման համար:

Հատուկ կառավարման կոմիտեի աշխատանքի առաջին ամիսներին ուժեղացավ ինքնավար մարզի իրավունքների իրացումը, հետևողականորեն կենսագործվում էին կազմակերպական և իրավական որո-

շումները, որոնք նպատակամղված էին մարզի ինքնուրույնության ընդլայնման ու այն ռեգիոնալ տնտեսաշխարհի ըսկզբունքի փոխադրելուն, Հայաստանի հետ մշակույթի ու կրթության ոլորտում ԼՂԻՄ-ի հայ բնակչության քաղմասիսի կապերի խթանմանը, պատշաճ կերպով հաշվի առնելով նաև ադրբեջանական բնակչության շահերը:

Երկրում ստեղծված ոչ դյուրին տնտեսական պայմաններում ինքնավար մարզին լրացուցիչ հատկացվեցին զգալի միջոցներ: 1987 թվականի համեմատությամբ ավելի քան կրկնապատիկ և 1988 թվականի համեմատությամբ ավելի

քան քառապատիկ ավելացվեցին պետական կապիտալ ներդրումները: Ընթացիկ տարում ԽՍՀՄ Միմիստրների խորհրդի ռեզերվից ԼՂԻՄ-ը ստացավ համակցված կերի մշակման համար զգալի քանակությամբ հացահատիկ, փայտե տներ, շինարարական-տրանսպորտային տեխնիկա: Լրացուցիչ ռեսուրսներ տրամադրեցին նաև ԽՍՀՄ պետմատն ու ֆինանսների միմիստրությունը: ԽՍՀՄ առևտրի միմիստրությունը էապես համարեց ինքնավար մարզի շուկայական ֆոնդերը, որը հիմնարավորություն տվեց գրեթե

(Շարունակությունը՝ 2-րդ էջում)

ԱՌՈՂՋԱՑՆԵԼ ԻՐԱԴՐՈՒԹՅՈՒՆԸ ԼՂԻՄ-ՈՒՄ

(Սկիզբը՝ 1-ին էջում)

քսան տոկոսով ընդլայնելու բնակչությանը ապրանքի վաճառքը: Հունվար-ապրիլին որոշ չափով ավելացավ արդյունաբերական արտադրանքի թողարկումը, մեկ քառորդով անեց կենտրոնացված կապիտալ ներդրումների իրացումը: Պետական միջոցների հաշվին գործարկվեցին 6,7 հազար քառակուսի մետր ընդհանուր տարածությամբ բնակելի տներ:

Սակայն ԼՂԻՄ-ի հասարակական ու տնտեսական կյանքում դրական միտումները մայիսի սկզբին ընդհատվեցին գործադուլի հետևանքով, որի մեջ ներգրավվեցին բնակչության որոշակի խավեր: Նրա մասնակիցներն առաջ քաշեցին մի շարք պահանջներ, որոնք կշռադատված քննարկման էին կարոտ: Դրա փոխարեն գործադուլի կազմակերպիչները ընտրեցին իշխանության մարմինների, ԼՂԻՄ-ի հատուկ կառավարման կոմիտեի հետ առճակատման ուղին: Իրավիճակն սկսեց արագորեն վատանալ, բանը հասավ ազգամիջյան ընդհարումների: Այս կապակցությամբ քաղաքացիների անվտանգությանն ապատակով պահանջվեցին պարետային ռեժիմի սաստկացման լրացուցիչ միջոցառումներ:

ԽՍԿԿ Կենտկոմի քաղքյուրոյի հանձնաժողովը նշեց, որ գործադուլի ուղին որպես դարաբաղյան հարցի լուծման գործում պետական ու կուսակցական մարմինների վերա ննշում գործադրելու ձև միանգամայն անհետանկար է, ծանր վնաս է պատճառում բնակչության արմատական շահերին, ստեղծում է պայթյու-

նավտանգ մթնոլորտ, անվտանգություն և անբարյացկամություն բորբոքում ազգամիջյան հարաբերություններում:

Մեր բազմազգ պետության ժողովուրդների եղբայրական համերաշխության ու փոխընթերցման պայմաններում, որն առանձնակի ուժով դրսևորվեց Հայաստանում տեղի ունեցած երկրաշարժի ողբերգական հետևանքների վերացման ընթացքում, Լեռնային Ղարաբաղի իրադարձությունները շրջադարձ են դեպի ազգամիջյան երկպառակությունների վաթարագույն ժամանակներ: Այս բանը թույլ տալ չի կարելի: Կենտունակ ապագայի նկատմամբ հայ ժողովրդի հավատը, լինի դա Հայաստանում, թե Լեռնային Ղարաբաղում, պաշտպանվեց ամբողջ Խորհրդային Միության բոլոր ժողովուրդների մեկնած բարեկամության ձեռքով:

Սի՞թե հիմա ուզում են վանել այդ ձեռքը, կոտորեն ենթարկվելով հույզերին և կորցնելով բանականությունը:

Անցյալի ինչ շերտանատվածքներ ու սխալներ էլ ճնշեն մարդկանց, Լեռնային Ղարաբաղի պրոբլեմները անհնար է լուծել բռնության միջոցով: Նման լուծման փորձերը անխուսափելիորեն կհանգեցնեն ողբերգական հետևանքների: Ելքը կարող է գտնվել միայն փոխըմբռնման և խելամիտ փոխզիջումների միջոցով:

ԽՍԿԿ Կենտկոմի քաղքյուրոյի հանձնաժողովը ընդգծեց այն բանի անհրաժեշտությունը, որ ԼՂԻՄ-ի հատուկ կառավարման կոմիտեն հետևողականորեն ու հաստատականորեն

րեն կատարի մարզի հասարակական-քաղաքական իրադրության նորմալացման իրավակարգի և քաղաքացիների անվտանգության ապահովման, ձեռնարկությունների անխափան աշխատանքի կազմակերպման, բնակչության կենսական պահանջումների բավարարման գործում իր վերա դրված պարտականությունները: Նպատակահարմար համարվեց ընդլայնել հատուկ կառավարման կոմիտեի լիազորությունները՝ ելնելով սոցիալ-տնտեսական լարագրման խնդիրների ավելի արդյունավետ լուծման, ինտերնացիոնալիստական հիման վրա աշխատավորների համախմբման շահերից:

Իհարկե, դա չի վերացնում Ադրբեջանի և Հայաստանի կոմկուսների կենտրոնական կոմիտեների պատասխանատվությունը Լեռնային Ղարաբաղի շուրջն ստեղծված քաղաքական և գաղափարախոսական մթնոլորտի առողջացման համար: Նրանց առաջնային խնդիրն է աշխատանքային սերտ կոնտակտներ հաստատել իրար միջև, ապահովել փոխգործակցություն ծագող հարցերի լուծման գործում և միասնական ճակատով հանդես գալ հակավերակառուցական ուժերի դեմ, որոնք խարխուլում են Խորհրդային Հանրապետությունների Միությունը, ազգամիջյան բախումներ հրահրող ամեն տեսակ գործողությունների դեմ:

ԽՍԿԿ Կենտկոմի քաղքյուրոյի հանձնաժողովը միութենական և հանրապետական միահիստրությունների ու գերատեսչությունների ուշադրությունը հրավիրեց հատուկ կառա-

վարման կոմիտեի կողմից ներառյալ առաջադրվող հարցերի օպերատիվ քննարկման անհրաժեշտության վրա: Ադրբեջանական ԽՍՀ և Հայկական ԽՍՀ միահիստրների խորհուրդներին առաջարկվեց էականորեն ակտիվացնել այն քաղաքացիների պրոբլեմը լուծելու իրենց գործողությունները, ովքեր ստիպված հեռացել են մշտական բնակության վայրերից և հայտնվել են ԼՂԻՄ-ի տարածքում: Պետք է բացառվեն իշխանության տեղական մարմինների իրավունքների խախտումները՝ ում կողմից էլ որ լինի:

Ներկա իրադրության մեջ մեծ պատասխանատվություն է դրվում երկու հանրապետությունների և ԼՂԻՄ-ի մասառական ինֆորմացիայի միջոցների վրա, որոնք չպիտի թույլ տան որևէ մացիոնալիստական, հրահրիչ դրսևորում, հիշելով, որ իրենց գլխավոր խնդիրն է ըստ ամենայնի մասստել իրադրության առողջացմանը:

ԽՍԿԿ Կենտկոմի քաղքյուրոյի հանձնաժողովը հատկապես ընդգծեց, որ ինքնավար մարզի բոլոր կուսակցական, խորհրդային և հասարակական կազմակերպությունների, բանվոր դասակարգի, գյուղացիության և մտավորականության ջանքերը այժմ պետք է նպատակամղված լինեն կյանքի նորմալ ուղի վերահաստատմանը, այնպիսի պայմանների ստեղծմանը, որոնք հնարավորություն տան առաջ մղել վերակառուցումը ի շահ ամբողջ երկրի, ամբողջ խորհրդային հասարակության:

(ՏԱՄՍ)